



HO'OU LU LĀHUI
Regenerating Oceania
13th Festival of Pacific Arts & Culture
Hawai'i 2024

MO'OLELO HĀLĀWAI O KE KOMIKINA NO KA HO'OLAULE'A NO'EAU A
MO'OMEHEU PĀKĪPIKA (FestPAC)

PŌ'AKAHI, 14 PEPELUALI, 2022 HOLA 3:00'au

MA O KA ZOOM: 'AHA KŪKĀ MA KA WIKIŌ

Nā Lālā Komikina i kū mai:

| | | |
|------------------------|---|--|
| Kalani Ka'anā'anā | - | Ke'ena Kuleana Ho'okipa o Hawai'i (HTA) |
| Maenette Ah Nee-Benham | - | Koho 'Ia E Ke Kia 'Āina |
| Snowbird Bento | - | Kaiāulu |
| Māpuana de Silva | - | Kaiāulu (hō ea i ka hola 3:10'au) |
| Sylvia Hussey | - | Ke'ena Kuleana Hawai'i (OHA) |
| Jarrett Keohokālole | - | 'Aha Kenekoa o Hawai'i |
| Jamie Lum | - | Ke'ena Ho'omohala Waiwai a me ka Ho'okipa (DBEDT) |
| Richard Onishi | - | 'Aha Lunamaka'āinana o Hawai'i |
| Kēhaulani Pu'uka | - | Ke Kūlanakauhale a Kalana o Honolulu (hō'ea i hola 3:03'au) |

Nā Hoa Kipa:

| | | |
|----------------------|---|-----------------------------------|
| Mamiko Carroll | - | Kaiāulu |
| Maka Casson-Fisher | - | Ke'ena Kuleana Ho'okipa o Hawai'i |
| Eric Chang | - | Kaiāulu |
| Lynn Martin Graton | - | Kaiāulu |
| Ngahiraka Mason | - | Kaiāulu |
| Monte McComber | - | Kaiāulu |
| Aaron Salā | - | Luna Ho'olaulea |
| Mālia Sanders | - | 'Ahahui Ho'okipa 'Ōiwi Hawai'i |
| Kanoe Takitani-Puahi | - | 'Ahahui Ho'okipa 'Ōiwi Hawai'i |
| Pris Texeira | - | Kaiāulu |
| Margo Vitarelli | - | Kaiāulu |

Nā Limahana:

| | | |
|-----------------|---|-------------|
| Gregg Kinkley | - | Loio Kuhina |
| Timothy Tiu | - | DBEDT |
| Scott Tome | - | DBEDT |
| Marlene Hiraoka | - | DBEDT |

HO'OMAKA

I ka hola 3:01 'aui., ua aloha aku 'o Luna Ho'omalū Kalani Ka'anā'anā i ka po'e a pau ma Zoom a me Facebook Live, me ka mālama pū i ke kīkolā o nā Lālā Komikina i hō'ea: Luna Ho'omalū, Ms. Ah Nee-Benham, Ms. Hussey, Mr. Onishi, Ms. Bento, Ms. Lum, Mr. Keohokālole, Ms. Pu'u.

Ua ho'olauna ka Luna Ho'omalū iā Ms. Bento a nāna e mālama i ka wehena no ka hālāwai o kēia lā. Ua ho'omana'o 'o Ms. Bento i ka po'e 'o ka Lā Aloha ia, me ka wala'au pū no ka mō'aukala o ka lā. Ma ka mō'aukala o Hawai'i, 'o ka hopena ia o ka wā Makahiki, he 'ehā māhina ka lō'ihī e hui ai ka po'e a e komo ma nā hana, e la'a ho'i me ke kūkulu 'ana i nā loko i'a, lo'i kalo, a me nā pāhana 'ōnaepuni kaiāulu 'ē a'e. Ho'omau akula 'o ia me ka 'ōlelo 'ana no ke kū hō'ailona o ka Makahiki no ka wā nui hewahewa me ka pilina o kēlā i ko Lono wā e ho'i mai ai (he akua o ka maluhia a me ka mahi'ai). Ka'analike akula 'o Ms. Bento, ua ho'ola'a nā kūpuna i ka manawa e ho'omaka hou ai a e ho'oma'ema'e ai. E like nō me ka wā ma mua, e aho ko nā Lālā Komikina no'ono'o 'ana pēlā ma kēia wā Makahiki, e aho pū ka no'ono'o 'ana i nā mana'o pono i ka wā e mālama 'ia 'o FestPAC 2024 ma Hawai'i.

Ua pani 'o Ms. Bento i ka wehena me kekahi oli i kū 'elele no ka mana'o, e ka'analike aku me ka mana'o e hō mai ka nui hewahewa. Mahalo akula ka Luna Ho'omalū iā Ms. Bento no ka mālama 'ana i ka wehena. I kēia wā, ua ho'olauna 'o ia i ka Lālā Komikina hou i ho'okohu 'ia, 'o Kēhaulani Pu'u, i komo ma kāna hālāwai mua i kēia lā. E kū 'elele ana 'o ia no ke Kūlanakauhale a Kalana o Honolulu ma ke Kōmike, 'o kahi mea hou aku, he Hope Luna Ho'okō 'o ia no ka 'Oihana o Nā Pāka A Me Nā Hana Ho'onanea. Ua hō'ike pū 'o ia no ko Ms. de Silva komo 'ana i ka hālāwai.

'OLELO HŌ'IKE A KA LEHULEHU

Kono a'ela 'o Luna Ho'omalū Ka'anā'anā i ka po'e lehulehu e hō'ike mau i ko lākou mau mana'o no nā kumuhana ma ka papa kumumana'o. Me ka 'ole o nā mana'o i ho'opuka 'ia, ua ho'omau akula 'o ia kahi kumumana'o a'e.

'ĀPONO I KA MO'O'OLELO HĀLĀWAI 10 IANUALI 2022

Ua ka'aka'ahi a nā'ana 'ia ka mo'o'olelo hālāwai e nā Lālā Komikina. Noi mai ka Luna Ho'omalū inā i pono e ho'ololi 'ia kekahi mea. Me ka 'ole o nā leo kū'ē i lohe 'ia, noi mai 'o ia no ke koho pāloka ma o ke kāhea inoa, ua kāko'o 'o Ms. Ah Nee-Benham i kēlā mana'o, a ua kāko'o pū 'o Ms. Hussey. Ua ho'oholo nā Lālā Kōmike e 'āpono i ka mo'o'olelo hālāwai o Ianuali 10, 2022 penei: Luna Ho'omalū Ka'anā'anā, Ms. Ah Nee-Benham, Ms. Bento, Ms. Hussey, Mr. Keohokālole, Mr. Onishi, Ms. de Silva, Ms. Lum, Ms. Pu'u.

Ua lōkahi ke 'āpono 'ana i ka mo'o'olelo hālāwai.

KA NŪ HOU NO NĀ WĀ HUI I 'ĀPONO 'IA, ME KA HĀHAI PONO 'ANA I KE KĀNĀWAI 103, KE KAU KĀNĀWAI O HAWAI'I 2021

Wahi a Luna Ho'omalū Ka'anā'anā, 'a'ohe hui 'ana i 'āpono 'ia i mālama 'ia ma hope o ka hālāwai Kōmike i hala.

FESTPAC 13 – KA PALAPALA KA'INA HANA A KA PĀ'OIHANA 'O PA'I I 'AELIKE AI

Ua hō'ike mai 'o Luna Ho'omalua Ka'anā'anā no ka hō'oiā 'ia o nā waiwai, 'oiāi, ua 'aelike 'ia ma ka Palapala Ka'ina Hana i pili i ko ka moku'āina 'aelike mai ka wā ma mua me Ka 'oihana 'o PA'I, no ka Ho'olaule'a No'eau a Mo'omeheu o ka Pākīpika 2020 (FestPAC). Wahi a ka Luna Ho'omalua, e hō'ulu'ulu ana 'o Ms. Lum i ka hopena o ka palapala a e hiki ana i nā Lālā Komikina ke koho pāloka no ka 'āpono 'ana i ka palapala 'aelike ka'ina hana ma hope o ka pau 'ana o kā Ms. Lum hō'ike'ike.

Ua wehewehe maila 'o Ms. Lum no ka ho'ohana 'ia o kēia ki'ina hana hō'oiā 'oiāi he ki'ina hana maika'i ia a 'a'ole i pono e ho'olilo nui 'ia ke kālā ma ka hō'oiā 'ana kekahi. 'Oia'i 'a'ole i mālama 'ia ka Ho'olaule'a ma ka 2020, ua ho'oholo 'ia ma muli o ka 'aelike, 'a'ole i pono e hana 'ia he hō'oiā piha. No ia kumu, ua hana 'ia he Māhele 'Aelike Ka'ina Hana e Spire Hawai'i LLP (Spire), he 'oihana mālama mo'ohelu kālā 'oiā'i'o.

Ho'omau akula 'o Ms. Lum me ke kūkala 'ana no ko Spire nā'ana 'ana i ka 'aelike me PA'I, pēlā pū i nā pila waiwai a pau a me nā uku a pau kekahi. Ua like a like nā ho'olilo a me nā lilo i 'āpono 'ia e ke Kōmike. E like me ka mea i 'ōlelo 'ia, ua ho'olilo 'ia nā kālā a pau, a ua ho'oka'awale 'o PA'I i ia kālā ma kekahi waihona kālā 'oko'a, 'oiāi, pēlā ka 'ōlelo a ka 'aelike. 'A'ole kālā i ho'iho'i 'ia i ka Moku'āina.

Hō'ulu'ulu maila 'o Ms. Lum me ka 'ōlelo 'ana, ma o ke alu like 'ana me Spire, ua 'aelike 'ia he 'umi mau ka'ina hana i ka wā i nā'ana 'ia. Ua nā'ana mua 'ia ko PA'I mau palapala ho'opa'a mana'o, nā mo'ō'ōlelo hālāwai Kōmike, nā palapala i ke Kōmike a me DBEDT. 'A'ole i kupu mai he kū'ē lula no ke ka'ina hana a ua hō'ike aku 'o Spire i kekahi palapala ma'ema'e iā DBEDT.

'Ae maila ka Luna Ho'omalua i ka palapala 'Aelike Ka'ina Hana. Kāko'o maila 'o Mr. Onishi a pēlā pū 'o Ms. Ah Nee-Benham. Ho'omau akula ke kūkākūkā 'ana, wahi a Ms. Ah Nee-Benham, ua noi 'ia 'o ia e kū ma ke 'ano he Lālā Komikina i ka wā o kā Spire hō'ike'ike. Ua nā'ana 'ia he 34 mau pila waiwai i ma 'ō aku o \$1,000, a ua pū'iwa 'o ia no ke 'ano o kā Spire mālama 'ana i ka hō'oiā piha. Wahi a Ms. Lum, aia iā Spire nā palapala a pau a ua hiki iā DBEDT ke noi e nā'ana i ia mau palapala. Wahi a Ms. Hussey, i kona mana'o, 'oi aku paha ka waiwai o ke kālailai hou aku 'ana i ia mau palapala, 'oiāi, ua nui 'ino ka heluna kālā i ho'olilo 'ia nō nā kumuhana Ke'ena a Limahana 'Aelike mai waho mai o ka heluna 'aelike piha. 'ōlelo maila 'o Ms. Lum ua ho'olālani pono 'ia nā lilo uku hana me kā PA'I uku hana mai loko mai o ka mo'ohelu kālā Ho'olaule'a piha i 'āpono 'ia e ke Kōmike.

Ho'omau akula 'o Ms. Lum me ka 'ōlelo 'ana, 'o ke kumulilo no ka hō'oiā, ua uku 'ia e DBEDT a 'a'ole mai ke kālā i ho'oka'awale 'ia no ka hanana Ho'olaule'a. 'Ī maila 'o Ms. Lum i nā Lālā Komikina, ua ho'omākaukau 'o ia i kekahi Palapala 'Ikepili Hou i pāku'i 'ia ma ka pū'ulu pepa no nā Lālā Komikina, e hō'ike ai iā lākou i ka nui kālā i ho'olilo 'ia. Ho'omau akula 'o ia me ka 'ōlelo 'ana, 'o ka nui o ke kālā, ua ho'olilo 'ia ma ka uku 'ana no ka ho'olimalima 'ana i ke Kikowaena Hālāwai o Hawai'i, he hana i alaka'i 'ia e ke Kōmike.

Ua noi 'ia ke koho pāloka ma o ke kāhea inoa, no ka 'ae 'ia o ka Palapala 'Aelike Ka'ina Hana i ho'omākaukau 'ia e Spire Hawai'i LLP ma Kekemapa 2021, e pili pū ana i kā PA'I 'aelike,

penei ke 'āpono 'ana: Luna Ho'omalua Ka'anā'anā, Ms. Ah Nee-Benham, Ms. Bento, Ms. Hussey, Mr. Keohokālole, Mr. Onishi, Ms. de Silva, Ms. Lum, Ms. Pu'u.

Ua lōkahi ke 'āpono 'ana.

HE PALAPALA MAI KA LUNA HO'OLAULE'A

Ke 'olu'olu, e nā'ana i ka Palapala Hō'ike a ka Luna Ho'olaule'a (FD) i pāku'i ai ma ka pū'ulu pepa o kēia hālāwai nei no nā lāli'i hou aku. Ua ho'omākaukau 'o FD Aaron Salā i kekahi palapala hō'ike o nā mea i ho'omōhala 'ia mai ka hālāwai Kōmike hope i mālama 'ia, penei ke ka'ina:

- Ua 'ae 'olu'olu ka East-West Center (EWC) i ka ho'ohana 'ia o kekahi wahi ke'ena ka'awale me he helu kelepona kekahi no FestPAC 2024 ma ke 'ano he papahana hu'ea'o EWC no ka FD.
- Ua 'ae 'olu'olu mai ka Pacific Islands Development Program (PIDP), ka EWC Arts Program, a me ka State Foundation on Culture and the Arts (SFCA) i ke kōkua 'ana ma ka 'imi 'ana i nā limahana.
- Ua hui ka FD me ka Pelekikena 'o Ke Kulanui o Hawai'i, 'o David Lassner ho'i, a ua kāko'o a 'ae 'o ia i ka mālama 'ia o ke Kahua Ho'olaule'a ma UH Mānoa (UHM).
- Makemake ka FD i ke Kōmike Wahi e ho'omaka i ka hālāwai ma'amau 'ana me UHM mā no ke kūkākūkā 'ana a me ka ho'olauka'i 'ana.
- Ua ho'okumu ka 'Ahahui Ho'okipa 'Ōiwi Hawai'i (NaHHA) i kekahi waihona kālā i hiki ke ho'oili 'ia nā pōmaika'i waiwai no ka hanana Ho'olaule'a ma ia waihona, a hiki i ka makahiki 2024.
- Ke ho'olālā nei ka FD i kekahi hanana kūikawā me ka mana'olana e mālama 'ia ma Iune 2022, ma ke 'ano he hanana ho'oulu kālā kūwaho.
- E ho'omaka ana ke Kōmike e 'ike i nā pakanā a me nā pilina i ho'omōhala maila e kāko'o nei i ka hana. Ua 'ae 'ē ka EWC, UHM, PIDP, SFCA, NaHHA, a me ke Council for Native Hawaiian Advancement (CNHA) i kā lākou kāko'o 'ana mai. E pa'ahelu kūhelu 'ia ana nā pilina me ke Kōmike ma o ka haku 'ana i kekahi Mea Ho'omana'o o ka Maopopo. Ua ho'ohiki ka FD i nā Lālā Komikina e noi ana nō 'o ia no kā lākou 'āpono ma mua o ka ho'oholo 'ana i ka Mea Ho'omana'o o ka Maopopo (MOU).
- Ua ho'olālā 'ia ka launa kanaka 'ana ma ka hanana ho'oulu kālā ma Iune 2022 me ka mana'o e paipai i ko ka po'e kāko'o 'ana iā FestPAC 2024.
- E hō'ike ana ka FD i ke Ka'akālai Ho'oulu Kālā mua i ke Kōmike Ho'omōhala. Ma hope iho, e hō'ike 'ia ana i ke Kōmike piha.
- Ua 'ae maila ko Professor Barbara Smith Endowment for the EWC Arts Program mā i ka ho'ohana 'ia o kā lākou waihona o ma ke 'ano he waihona ho'olilo i mea e holo le'a ai 'o FestPAC 2024.

Ua ho'olaha pū ka FD, mai Mei 15 a hiki i Iulai 17, e mālama 'ia ana he Hō'ike'ike Ki'i o ka Launa Pākīpika 'ana maiā FestPAC 2016 i mālama 'ia ma Guama. He 'aelike hui laulima ia hō'ike'ike ma waena o EWC a me ka National Endowment Fund for the Arts. Ke no'ono'o nei

'o ia i ka pilina ma waena o FestPAC 2024 me kēia hō'ike'ike, he ala paha ia e ho'okumu ai i ka hanana ho'oulu kālā e mālama 'ia ana ma Iune.

Kauleo akula ka FD no kona ho'okumu 'ana i kekahi lekauila no nā mea Ho'olaule'a laulā, me ka 'olelo pū no ke kāpae a me ka waiho ka'oko kūikawā 'ana i ke kahuapa'a a me nā waihona kūlelepaho. E ho'oholo kūikawā 'ia ana he paena pūnaewehe i ka wā e ho'okā'oi 'ia ana ke kahuapa'a a me ke ka'akālai kūlelepaho pū kekahi. E ho'okō 'ānō 'ia ana ia mau hana.

Kāko'o maila ka Luna Ho'omalū i ke kāpae kūikawā 'ia o ke kahuapa'a FestPAC; eia nō na'e, pono e ho'oka'awale 'ia maiā Strategies360 mai, he 'oihana ho'i i ho'okele mua i ke kahuapa'a. Hō'ike maila ka Luna Ho'omalū no ka ho'ouna 'ia o nā lekauila a pau iā ia a hiki i kēia manawa, makemake na'e 'o ia e hō'alo i ka neoneo 'oiāi, 'ike 'ia, ke hiki koke mai nei ka hanana Ho'olaule'a a e nui ana ka ho'oka'a'ike me nā 'oihana, nā kānaka kōkua manawale'a, nā 'elele pāpaho, apwa.

Nīnau akula 'o Ms. Ah Nee-Benham pehea e holomua ana ke Kōmike me nā hana i ho'olālā 'ia e ka FD. Kauleo maila ka Luna Ho'omalū, 'a'ohē hana e ho'okō ai i kēia wā 'oiāi ua hō'ike'ike 'ia ma ke 'ano he palapala hō'ike. Kāko'o maila 'o Mr. Kinkley, ke ho'olono nei ka FD i ka nū hou o kāna mau hana, a ua palapala 'ia ia mau hana. Ua hiki i ka FD ke ho'omau i kāna mau hana i ho'olālā ai e like nō me kona makemake.

Nīnau maila ka Luna Ho'omalū inā ua hopohopo kekahi a i 'ole he nīnau kā kekahi e pili ana i kā ka FD palapala hō'ike. Me ka 'ole o nā 'olelo i lohe 'ia, kauleo akula ka Luna Ho'omalū i ka FD e holomua e like nō me kāna i ho'olālā ai, a no nā hālāwai e hiki mai ana, e ho'oka'a'ike mua me ka Luna Ho'omalū a me Ms. Sanders inā he pono ka ho'okomo 'ana ma ka papa kumumana'o ke koho pāloka 'ana o nā Lālā Komikina. Kauleo hou aku 'o Mr. Kinkley no ka papaha o ko ka FD pāku'i 'ana i kāna palapala hō'ike i nā mo'o'olelo hālāwai a me nā papa kumumana'o.

Nīnau maila 'o Mr. Onishi, inā ua pono paha e koho pāloka no ka 'āpono 'ana i kā ka FD palapala hō'ike. Mea mai 'o Mr. Kinkley, inā pēlā, he pono ka palapala 'ia ma nā mo'o'olelo hālāwai a me nā papa kumumana'o. Ua hiki wale ke kākau 'ia ua 'āpono 'ia kā ka FD palapala hō'ike e ke Kōmike. Ma kēia pō'aiapili, ua 'āpono laulā 'ia kā ka FD palapala hō'ike e ke Kōmike. Mai kēia mua aku, e palapala 'ia ana kā ka FD palapala hō'ike ma nā papa kumumana'o e like me ka mea e pono ai.

HO'OKUMU 'IA O NĀ KOMIKINA HOU E NĀ'ANA AII KO MAU KA'AKĀLAI HOU, ME KA HAKU PŪ 'ANA I PAPA KUHIKUHI MANAWA NO KA POLOKALAMU

Ho'omau akula ka Luna Ho'omalū i kahi kumumana'o a'e, 'o ia ho'i, ka ho'okumu 'ana i 'elua mau kōmike hou; (1) ke Kōmike Ho'omōhala; a me (2) ke Kōmike Papahana. Makemake 'o ia e ho'okumu pa'alula i kēia mau kōmike, me ke komo 'ana o 'ehā mau Lālā Komikina i kēlā me kēia kōmike ma ka nui loa.

Wahi a Ms. Ah Nee-Benham, kūkākūkā mau 'ia ka ho'oulu kālā 'ana (ka ho'oulu kālā ma waena o nā hoa kekahi) ma nā hālāwai Kōmike Papa Luna Ho'okele (AC), a no ia kumu ua 'ae 'olu'olu

'o ia i ka ho'omau 'ana i nā hana ho'omōhala waiwai. Ua kālele 'o ia ma ka 'ōlelo 'ana no ke ko'iko'i o nā Wahi a me ka Papahana ma ka ho'olālā 'ana i nā mea a pau.

Hāpai maila 'o Ms. de Silva i ka mana'o, ke koho kūhelu 'ia nā wahi, e ho'omau 'ia ana ka mālama 'ia o ia Kōmike? Pane maila ka Luna Ho'omalū, aia nō a koho 'ia nā wahi, a laila hiki ke ho'omaka i ka ho'olālā 'ana i ka 'ao'ao papahana.

Hāpai maila 'o Mr. Onishi i ka mana'o, ma ka ho'omōhala 'ana i nā papahana, e aho paha ka ho'olaha 'ana i nā noi i ke Kōmike no ka ho'oholo 'ana inā e 'ae a i 'ole hō'ole 'ia ia hana ma ka papahana FestPAC. Pono e ho'ohui 'ia nā hana papahana a wahi i loko o ho'okahi Kōmike i hiki ke maopopo pono i nā mea e pono ai ka papahana a i 'ole ka hana, me ka hō'oiā pū i ke kūpono o ka wahi no ia hana.

Ua kaulele 'o Ms. Ah Nee-Benham i ka mana'o, i loko nō o kā ke Kōmike Papa Luna Ho'okele ho'omau 'ana i ka ho'olālā 'ana i ka 'ao'ao ho'oulu kālā, ua mau nō ka hiki i nā lālā 'ē a'e ke komo pū a kōkua me ka ho'oulu kālā 'ana. Ho'omana'o a'ela ka Luna Ho'omalū i nā Lālā Komikina, i mea e hāhai pono ai i ke Kānāwai 103, ua 'ae 'ia ko nā Lālā Komikina hui 'ana ma waho aku o ke Kōmike, 'o ka mea nui na'e, pono e palapala 'ia nā mea i wala'au 'ia ma ke 'ano he PIG i ka wā e hālāwai pā mahina ai ke Komikina.

Nīnau maila 'o Ms. Bento inā ua hiki paha i nā Lālā Komikina ke lele mai kekahi kōmike i kekahi aku. 'Ae maila ka Luna Ho'omalū i ia mana'o, 'o ka mea nui, noho ke kōmike ma loko o kekahi papahana mai ke kānāwai, ua hiki nō ke lele mai kekahi kōmike i kekahi kōmike aku. Nīnau akula 'o Ms. Hussey inā he koina ke komo 'ana o kēlā me kēia Lālā Komikina ma kekahi Kōmike. Ho'omau akula 'o ia me ka 'ōlelo 'ana, e like nō me kā Ms. Bento i hāpai ai, ua hiki iā ia ke komo ma ka AC a ua hiki i kekahi ke komo ma ke Kōmike VC/Papahana. Kāko'o akula 'o Ms. Lum i kā Ms. Hussey mana'o.

Hāpai a'ela ka Luna Ho'omalū i ka mana'o e pāku'i 'ia nā kōmike hou i nā kōmike kahiko penei: Kōmike Papa Luna Ho'okele/Ho'omōhala; a me ke Kōmike Wahi/Papahana.

Noi maila 'o Mr. Onishi i ka mana'o, e ho'ohui 'ia ka AC me ke Kōmike Ho'omōhala, a e ho'ohui 'ia ka VC me ke Kōmike Papahana, kāko'o maila 'o Ms. de Silva i ia mana'o. Noi 'ia ke koho pāloka ma o ke kāhea inoa a 'āpono nā Lālā Komikina i ia noi penei: Luna Ho'omalū Ka'anā'anā, Ms. Ah Nee-Benham, Ms. Bento, Ms. Hussey, Mr. Keohokālole, Mr. Onishi, Ms. de Silva, Ms. Lum, Ms. Pu'u.

Ua lōkahi ke 'āpono 'ana. Noi a'ela ka Luna Ho'omalū i ka FD e ho'olauka'i me nā kōmike 'elua a e hō'ike mai i nā hopena hana ma kekahi hālāwai Kōmike aku.

'OLELO HŌ'IKE A KA LEHULEHU

Kono a'ela 'o Luna Ho'omalū Ka'anā'anā i ka po'e lehulehu e hō'ike mai i ko lākou mau mana'o. Mahalo akula ka Luna Ho'omalū i ka po'e lehulehu e hō'ea kūmau nei i nā hālāwai Kōmike. Me ka 'ole o nā mana'o i hāpai 'ia, ho'omau akula 'o ia i nā ho'olaha.

Mo'olelo Hālāwai o ke Kōmike no ka Ho'olaule'a No'eau A Mo'omeheu Pākīpika 13
Pō'akahi, 14 Pepeluali, 2022 hola 3:00'aiu ma o ka ZOOM
'Ao'ao 7 o 6

NĀ HO'OLAHA

Hō'ike maila ka Luna Ho'omalū, ma ke 'ano he māhele o ke Kānāwai 220, ua ho'opane'e 'ia ka ho'olako 'ana i ka po'e lehulehu me kekahi wahi hālāwai a hiki i Pepeluali 28, 2022. No ka hālāwai o Malaki 2022, e mālama 'ia ana he wahi hālāwai no ka lehulehu ma ka Lumi 436 o ka hale Hawai'i State Art Museum.

Ua noi a'ela ka Luna Ho'omalū i ke koho 'ia o kekahi Hope Luna Ho'omalū, i mākaukau ho'i no kona hō'ea 'ole, inā nō kupu mai ia pō'aiapili.

KA HO'OPA'A HĀLĀWAI – PŌ'AKAHI 14 MALAKI, 2022

Ua ho'opa'a 'ia ka hālāwai FestPAC hou ma ka Po'akahi o Malaki 14, 2022, i ka hola 3:00 'aiu. Nīnau maila 'o Ms. de Silva inā e mālama kikoho'e 'ia ana ka hālāwai. 'Ae maila ka Luna Ho'omalū, e mālama kikoho'e 'ia ana ka hālāwai a e mālama 'ia ana he wahi e hui ai ka lehulehu no ka hālāwai, ma ka papahale 4 o ka hale Hawai'i State Art Museum.

HO'OKU'U

Ho'oku'u ka Luna Ho'omalū i ka hālāwai ma ka hola 3:52 'aiu.

Me ke aloha e waiho 'ia,



Kalani Ka'anā'anā
Luna Ho'omalū

03/08/2022

Lā